



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Arnoldi Corvini à Belderent J. U. D. Jus Canonicum, Per  
Aphorismos Strictim Explicatum**

**Corvinus van Beldern, Arnold**

**Amstelodami, 1663**

Furto.

**urn:nbn:de:hbz:466:1-10591**

*De luxuria contra naturam.*

T I T. XXII.

**G**radus sunt peccatorum: & adulterii malum vincit fornicationem, vincitur autem ab incestu; incestum vincit is coitus qui contra naturam fit. *c. adulterii malum. cum trib. seqq. 32. qu. 7.*

Contra naturam fit coitus, cum masculo, cum femina in membro ad hoc non concesso, *c. offerebat. 12. c. usus naturalis. 14. eod. 32. qu. 7. cum brutis. c. 4. mulier. 15. qu. 1. c. hoc ipsum. §. hoc autem. 33. qu. 2.*

Cum brutis commixtio, morte punitur: *d. c. mulier. 15. qu. 1. cum puerō, vel muliere contra naturam, hoc iure in Clerico, dejectione, & in monasterium ad poenitentiam agendam detrusione; in Laico, excommunicatione, & à cœtu fidelium remotione vindicatur. c. clericī. 14. de excess. prælat. c. ut clericorum. 13. de vit. & honest. cleric. c. offerebat. 12. c. usus naturalis. 14. 32. qu. 7.*

*De furto.*

T I T. XXIII.

**F**urtum, est contrectatio rei alienæ, vel usus ipsius, in vito domino, *c. dudum Ecclesia. 54. de election. c. non furem. 7. qu. 1. fraudulenta, lucri faciendi causā. §. furtum autem. Inst. de oblig. quæ ex delict. nasc.*

Est vel *simplex*, de quo hoc titulo: vel *improbius*, de quo titulo sequente.

Illud vel *manifestum*, vel *non manifestum*. *§. furtorum. Inst. eod.*

*Manifestum* est, quod nulla tergiversatione celari potest. *c. cum olim. 24. de verb. signif.* & ideo nullâ aliâ probatione indiget. *c. de manifesta. 2. qu. 1. Non manifestum est*, quod celari potest; & probatione indiget.

Utrumque fit etiam in re modica, *c. fin. 14. qu. 6. modo*

modo ea sit aliena; *l. falsus.* 43. §. qui alienum. ff. hic. contrectetur, sive verè, ut rem amovendo, transferendo, *l. si quis.* §. si quis asinum. ff. hic. *l. alienum.* C. eod. sive ficte; ut cum falsus procurator, debitum volens exigere, aliis solvendum se præsente delegat: *l. falsus.* §. sed si is. ff. eod. quis opem & auxilium ad furtum faciendum præstat; *l. is qui opem.* ff. eod. res furtivas recipit; *l. eos.* C. eod. animo furandi; c. fur autem. & c. fin. 14. qu. fin. invito domino. d. l. falsus. c. hi qui in furtis. §. furtum. & c. fur autem. 14. qu. 6.

Quæ si non adsint, furtum in foro contentioso non punitur; omnino in foro pœnitentiali, & quoad Deum. c. si propterea. 29. de pœnit. dist. 1.

Furtum etiam faciunt, qui beneficium Ecclesiasticum sine legitima institutione occupant; c. non furem. 7. qu. 1. c. tres personas. 23. qu. 4. c. ordinationes. 1. qu. 1. c. relatum. 21. de jure patron. quique beneficia, quæ per adeptiōnem aliorum vacant, retinent; c. dudum Ecclesia. 54. de election. qui fructus beneficiorum percipiunt, nec curant sibi commissos; c. 12. tres personas. 23. qu. 4. qui furti conscius, quærrente possessore, illud non indicat; c. qui cum fure. hic. nisi sit Presbyter, cui fur confessus fuit, qui non cogitur, c. dilectus filius. 13. de excess. Prælat. imò non debet, nec potest impunè, revelare. c. omnis utriusque. de pœnit. & remiss.

Qui in extrema famis necessitate comedibilia; in extrema nuditate vestimenta surripuit: modo sibi sufficiētem non excesserit quantitatē: c. 2. hic. c. fraternitatis. 12. qu. 2. c. discipulos. de consecrat. dist. 5. c. fin. 25. qu. 1. c. si quis. hic. Archidiac. ad c. pœnale. 14. qu. 5. furti pœna ordinaria non punitur; sed ei tantum trium hebdomadarum injungitur pœnitentia, d. c. si quis.

Necessitas enim quodammodo de illico licitum facit. c. quod non est licitum. de reg. jur. in 6. c. 2. de observ. jejun. c. quanto. de consuet. c. sicut. de consecr. dist. 5.

Si furtum nullâ necessitate cogente, solâ fraudulentâ inten-

intentione commissum à Laïco, punitur pœnis civilibus; de quibus vide Aphorism. nost. in Digesta & Codic. hoc titulo. si à Clerico: aliter si furtum fuit manifestum, aliter si nec manifestum.

Si manifestum; & accusatus, confessus, vel legitimè convictus, est infamis, c. infames. 6. qu. 1. c. Euphemium. 7. §. hinc colligitur. 2. qu. 3. c. constituimus. 3. q. 5. & deponitur, in monasterium conjicitur: si necdum corrigibilis, seculari judici legitimâ pœnâ puniendus traditur. c. at si clerici. 6. 1. c. cum non ab homine. de judic. c. tua. de pœnis. Si nec manifestum; & fur illud ultro fuit confessus, rem restituere & pœnitentiam agere tenetur: quibus peractis, ad sacros Ordines potest promoveri. c. ex literis. hic. si de eo damnatus, fit infamis. d. c. infames. 6. qu. 1. d. c. constituimus. 3. qu. 5.

Pro eis, qui, dum furtum committunt, occisi fuerunt, non est orandum: quanquam si comprehensi aut vulnerati, confessi fuerint, communio eis non sit deneganda. c. 2. hic. c. fures. 13. qu. 2.

### De rapina.

#### T I T. XXIV.

**F**urti improbi, quod Doctores qualificatum vocant, species est Rapina rerum.

Rapina, est vel simplex, de qua hoc titulo; vel qualificata, sive improbior: ut cum ex incendio rapitur; de qua titulo sequente: vel Ecclesia violatur; de qua titulo proximum sequente.

Rapina simplex, est fraudulosa rei alienæ, mobilis, & corporalis, per vim facta ablatio. c. lex illa. 36. qu. 1. c. de raptoribus. 36. qu. 1.

In rebus immobilibus, invasio. §. quod non solum. Inst. vi bon. rapt. in beneficiis intrusio, c. eum qui. de prabenda. in 6. per vim facta, idem est, quod rapina in mobilibus.

Rapinam